



Untuk Siaran Serta-Merta

ANUGERAH PEREKA MUDA NIPPON PAINT 2011

DIPERLUASKAN KE RANTAU ASEAN

Peluang untuk Bakat Muda Malaysia Diiktiraf di Rantau Ini

Kuala Lumpur, 27 Mei 2011 – Nippon Paint, jenama cat terkenal di Malaysia, hari ini membuka penyertaan bagi Anugerah Pereka Muda 2011 dengan bertemakan “*Eco Design For Better Living*” (Reka Cipta Mesra Alam Untuk Hidupan Lebih Baik). Buat pertama kalinya pada tahun ini, Anugerah Pereka Muda Nippon Paint akan diperluaskan ke seluruh ASEAN, membolehkan pelajar rekaan dalaman dan seni bina mempertandingkan bakat mereka dengan para pelajar dari Singapura, Thailand dan Vietnam. Pemenang Anugerah Emas dari setiap negara akan bersaing untuk merebut Anugerah Platinum (Serantau) yang julung kali diperkenalkan.

Bertujuan untuk mencungkil bakat dalam bidang rekaan dalaman dan seni bina, Anugerah Pereka Muda Nippon Paint dilancarkan pada tahun 2008. Anugerah ini merupakan satu-satunya pertandingan di Malaysia yang mengiktiraf pelajar rekaan dalaman dan seni bina, dan mendapat sokongan daripada Pertubuhan Arkitek Malaysia (PAM), Institut Perekabentuk Dalaman Malaysia (MSID), Persatuan Pereka Dalaman Malaysia (IPDM), Persekutuan Bangunan Hijau Malaysia (MGBF), Kementerian Pengajian Tinggi (MOHE) dan Kementerian Tenaga, Teknologi Hijau dan Air Malaysia (KeTTHA).

Berucap di majlis pelancaran anugerah 2011, Ketua Pemasaran Nippon Paint (Malaysia) Sdn Bhd, Encik Jason Thong, berkata, “Nippon Paint berpegang pada falsafah meningkatkan taraf kehidupan menerusi inovasi, di samping melindungi dunia kita. Kami memainkan peranan kami sebagai pemimpin dalam teknologi cat dengan serius dan kami

komited terhadap amalan dan produk yang mesra alam. Kami juga komited untuk memupuk dan mencungkil bakat dalam bidang rekaan dalaman dan seni bina kerana mereka merupakan profesional yang bakal menjadi tuggak kehidupan ‘hijau’. Tahun lalu, Anugerah Pereka Muda memberi tumpuan kepada rekaan ruang dan bangunan yang meningkatkan kelestarian dan penghormatan terhadap alam sekitar. Tema ‘hijau’ diteruskan tahun ini dengan “*Eco Design For Better Living*”. Tujuan kami adalah untuk menggalakkan pelajar rekaan dalaman dan seni bina menggunakan kreativiti dan inovasi dalam menghasilkan rekaan hijau, yang akan membawa keseimbangan yang lebih baik dari segi kos, alam sekitar, kemasyarakatan dan kemanusiaan.”

Peserta Anugerah Pereka Muda Nippon Paint 2011 dikehendaki menerapkan unsur hijau ke dalam rekaan dan idea kreatif dan inovatif mereka untuk membaiki kehidupan persekitaran. Pertandingan ini dibahagi kepada dua kategori – rekaan dalaman dan seni bina. Selain daripada mengoptimumkan penggunaan sumber asli, penggunaan bahan mesra alam yang dapat meningkatkan kualiti persekitaran dalaman juga digalakkan serta penggunaan bahan dan sistem yang dipermudahkan dan pengurangan keperluan penyenggaraan. Penyertaan akan dinilai berdasarkan penggunaan warna, perancangan dan rekaan, dan analisis tapak.

“Kualiti penyertaan bertambah baik sejak 2008; lebih-lebih lagi dengan tema hijau pada tahun lepas. Kami rasa bangga kerana Malaysia mempunyai ramai pereka yang berbakat dalam bidang ini menjadikan negara kita berpotensi untuk menjadi pusat rekaan ‘hijau’,” jelas Thong.

Pemenang Anugerah Emas dalam kategori masing-masing (rekaan dalaman dan seni bina) akan menerima hadiah wang tunai RM3,000, Mac Book Pro 15” 2.536GHZ, dan peluang pekerjaan, manakala pemenang Anugerah Perak akan menerima hadiah wang tunai RM2,000 dan peluang pekerjaan. Dua Sebutan Hormat ditawarkan dalam setiap kategori.

Pemenang Anugerah Emas dari setiap negara dalam dua kategori tersebut (rekaan dalaman dan seni bina) dikehendaki membuat pembentangan secara lisan kepada panel hakim antarabangsa di Kuala Lumpur, Malaysia untuk merebut Anugerah Platinum (Serantau) yang menawarkan hadiah tambahan USD3,000.

"Populariti dan status Anugerah Pereka Muda Nippon Paint telah melonjak sejak pelancaran julung pada 2008. Pada tahun pertama (2008), kami menerima 87 penyertaan. Pada 2009, angka penyertaan meningkat hampir dua kali ganda, dimana jumlah penyertaan mencecah 167 untuk kategori dalaman dan luaran. Penyertaan tahun lepas (2010) mencapai peningkatan sehingga 170 peratus. Jumlah 336 penyertaan daripada pelajar rekaan dalaman dan seni bina diterima dari 26 kolej dan universiti di seluruh negara. Tahun ini, dengan menaikkan prestij dan meluaskan pertandingan ke peringkat serantau, kami berharap pertandingan ini akan membawa pelajar ke mercu kejayaan yang lebih tinggi dan kami jangka akan menerima sejumlah 600 penyertaan," jelas Thong.

Anugerah Pereka Muda Nippon Paint 2011 dibuka kepada pelajar yang menuntut di pusat pengajian rekaan dalaman atau seni bina di Malaysia, dalam tahun dua (rekaan dalaman) dan tahun tiga (seni bina) program ijazah masing-masing. Semua penyertaan yang lengkap mesti sampai kepada pihak pengajian sebelum 2 September 2010. Maklumat mengenai Anugerah Pereka Muda Nippon Paint 2011 boleh didapati di laman web www.youngdesigneraward.com atau www.facebook.com/youngdesigneraward.

Mengenai Nippon Paint (Malaysia) Sdn Bhd

Ditubuhkan pada tahun 1967, Nippon Paint Malaysia Sdn Bhd (NPM) mengeluarkan cat dan cat lapisan asas untuk kegunaan rumah dan perindustrian. Setakat ini, NPM mempunyai empat kilang pengeluaran di Malaysia. Dua daripadanya terletak di Shah Alam, sebuah di Johor Bahru dan sebuah lagi di Kota Kinabalu. NPM kini mengeluarkan lebih 10,000 rumusan cat yang berlainan untuk pasaran hiasan dan seni bina, automotif, perindustrian, lapisan perlindungan dan kapal penangkap ikan. Nippon Paint telah menerima Anugerah Kecemerlangan Hijau yang berprestij daripada Frost & Sullivan sebagai pengiktirafan kepada pencapaianya dalam usaha memperjuangkan kelestarian alam sekitar dalam industri cat. Untuk maklumat lanjut mengenai Nippon Paint, sila layari www.nipponpaint.com.my atau telefon 1-800-88-2663.

~ tamat ~

Dikeluarkan oleh : Nippon Paint (Malaysia) Sdn Bhd

Melalui : Kim Chew Communications Sdn Bhd

Jacqueline Arnold

Tel: 03 - 7726 3430 Faks: 03 - 7728 3432